

Script of Evening Gojri News Bulletin 18 July 2024 at 1700 Hrs

ایوننگ گو جری نیوز بلیٹن مورخہ 18 جولائی 2024

یوہ آکا شوانی جموں بيمشرف اعظیم تے نصرت چودھری تیں خبر سُنو۔ پہلاں خاص خاص خبر۔

- *1۔ لیفٹنٹ گورنر منوج سنہا نے کہیو ہے جے رفتار تے پیمانہ غی تبدیلی چوتھا صنعتی انقلاب نانہ مضبوط بنان با رے اک اہم پیش قدمی ہے۔
- *2۔ لیفٹنٹ گورنر منوج سنہا نے ڈاکٹر سہیل رسول میر غی دراد قبیلہ با رے تہذیبی انکلو پیڈیا جہیڑی تہذیبی تمدن، ثقافت، روایتی رسم و رواج نانہ اک کتابچہ غی غی شکل مانہ پیش کریغو اجراء کیو ہے۔
- *3۔ حفاظتی دستاں نے شمالی کشمیر غا کپواڑہ ضلع مانہ قبضہ لکیر غے نیڑے دراندازی غی کوشش ناکام بناتاں وان 2 دہشت گرد مار مکا یا ہیں۔
- *4۔ تے عدالتِ عظمیٰ نے انڈر گریجوٹ نیٹ اختلاف با رے عرضیاں وراج سنوائی شروع کر دتی ہے۔

خبریں غی تفصیل نال پہلاں نصرت چودھری۔

LG College

لیفٹنٹ گورنر منوج سنہا نے اج سرینگر رنیرر گڑھ غا مقام ورا کشمیر کالج آف انجینئرنگ اینڈ ٹیکنالوجی غو افتتاح کیو ہے۔ اُن نے اپنا خطاب غے دوران کالج غا چیرمین راجا اعجاز علی تے اُن غی پوری ٹیم غا جذبہ تے کوششاں نانہ تکنیکی تعلیم ہنربارے طرز عمل نانہ مضبوط بنان با رے مبارکباد پیش کی۔ اُن نے کہیو جے صنعتی شعبہ مانہ تیزی سنگ تبدیلی ہم نانہ چوتھا صنعتی انقلاب آئے پاسے لے جا رہی ہے۔ اُن نے اس گل ورا وی زور پایو جے مہارا انجینئرنگ ثقافت غا فروغ دین سنگ صنعتی ضروریات پوری ہون مانہ مدد ملے گی۔ جس نال تکنیکی ہنر مانہ باندو ہون سنگ روزگار غا موقع فراہم ویں گا۔ اس موقع ورا ایل جی موصوف نے تعلیمی شعبہ مانہ وزیر اعظم مودی غی ہدایت سنگ سٹارٹ اپ، نوان طرز عمل تے کارگوئی مہم سنگ تبدیلی لیان با رے لو کہلی۔

LG Book

لیفٹنٹ گورنر منوج سنہا نے اج راج بھون مانہ 'درد' قبیلہ با رے ایک تہذیبی انکلو پیڈیا جس نانہ ڈاکٹر سہیل رسول میر نے لکھیو ہے غو اجراء کیو ہے۔ اُن نے اپنا خطاب غے دوران ڈاکٹر سہیل رسول میر غا درد قبیلہ غی تہذیب، روایتی رسم و رواج تے زبان نانہ پیش کرن با رے سراہیو۔ اُن نے شینن میراتے شینا تہذیبی مرکز گریز جت بھارتی فوج نے دردی لوکاں گا روایتی تہذیب و تمدن نانہ اُن آلی نسلان واسطے رکھیو ہے کافی تعریف کی۔ اس موقع ورا ایل جی موصوف نے "دانا رتھ کشمیر گیزٹ" غا دوجا شمارہ غو وی اجراء کیو ہے۔ اس موقع ورا کشمیری لکھاڑی، فوج غا میجر جنرل گریش کالیہ جی اوسی، ڈاکٹر سہیل رسول میر، فیڈہ فیردوس صدر کشمیر رائٹر ایسو سی ایشن تے کئی ہور فوج غا علی عہدیدار وی شامل تھا۔

FS Bhutan

خارجہ سیکریٹری وکرم مصری پلک توں دو تہاڑاں غا بوٹان دورہ ور جا رہیا ہیں۔ اُن غو یوہ دورو اپنو عہدو سنبھالن توں بعد پہلو دورو ہے۔ اس دوران وے اُت گا بادشاہ تے سامعین سنگ وی ملیں گا۔ خارجہ سیکریٹری بوٹان غا اپنا ہم منصب تے اُت غا وزیر اعظم سنگ وی ملاقات کر غے باہمی تعلقات تے تجارت با رے گل بات کریں گا۔ وزارت خارجہ نے کہیو ہے جے سرکار غو پڑوسی ملکاں سنگ روانتی تعلقات نانہ مضبوط بنان با رے پالیسی نانہ اہمیت دین با رے خاص توجو دتی جا رہی ہے۔

MOS MEA Oman

وزیر مملکت برائے امور خارجہ کیرتی وردھان سنگھ نے اج اومان مانہ بھارتی سفیر امیت نارنگ نال گل بات کی ہے۔ تے اُت پلٹیا جہاز ”ایم وی پریسٹیج فیلکان“ غا با رہ مانہ تازہ ترین معلومات حاصل کی جا سکے۔ اک سوشل میڈیا پوسٹ مانہ وزیر مملکت نے کہیو کہ ”آئی این ایس تیگ“ غے ذریعے بچایا گیا 8 بھارتی ساحل ور پُچ گیا ہیں تے اُن غی دیکھ بھال کی جا رہی ہے۔ اُنہاں نے کہیو کہ اک بھارتی شخص غی لاش برآمد ہوئی ہے۔ اُنہاں نے مزید کہیو کہ صورتحال ور قابو برقرار رکھیو وی ہے۔ تے حکومت ہر ممکن مدد نانہ یقینی بنا رہی ہے۔

MEA Advisory Bangladesh

وزارت خارجہ نے بھارتیہ براداری تے بھارتیہ طالب علم جہیڑا بنگلہ دیش مانہ رہ رہیا ہیں اُن نانہ بنگلہ دیش مانہ سفر کرن تے کہتوں کہٹ اپنا رہائشی مقام توں باہر جان بارے کہیو ہے۔ اک ایڈوائزری جاری کرتاں واں کہیو ہے جے وے اُت غا موجودہ حالات با رے ڈاکہ مانہ موجود بھارتی ہا نی کمیشن توں کسے وی مشکل حالات مانہ مدد حاصل کر سکیں۔ جس واسطے اُن نے اک ایمر جنسی بیلپ لائن نمبر وی جاری کیو ہے۔ نمبر ہے

881937400591+

Coal Mines

کو نیلہ وزارت نے کہیو ہے جے دُنیا غی 5 بڑی کو نیلہ خاناں وچوں 2 ہن بھارت مانہ ہیں۔ بابخان جہیڑی چھتیس گڑھ مانہ قائم ہے۔ گیورہ تے کُشمانڈہ دُنیا غی سب تیں بڑی کو نیلہ غی کھاناں مانہ دوجا تے تیجا نمبر ور ہے۔ یاہ فہرست ورلڈ ایٹلس ڈاٹ کام نے جاری کی ہے۔ گیورہ تے کُشمانڈہ غی کھان مل غے 100 ملین تیں متو کو نیلو پیدا کرے۔ جہیڑی بھارت غی کُل کو نیلہ پیدا وار غو تقریباً 10 فیصد ہے۔ گیورہ مانہ سن 1981 مانہ کم شروع کیو گیو تھو یوہ 70 ٹن غی سالانہ پیداوار غی صلاحیت رکھے۔ سال 24/2023 مانہ 59 ملین ٹن غی پیداوار حاصل کی ہے۔ اسے دوران کُشمانڈہ نے 24/2023 مانہ 50 ملین ٹن غو کو نیلو حاصل کیو ہے۔

یہ خبر تم آکا شوانی جموں تیں سن رہیا ہیں خبراں غا باقی حصہ نال نصرت چو دھری۔

Encounter Kupwara

شمالی کشمیر غا ضلع کپواڑہ مانہ اج حفاظتی دستاں تے دہشت گرداں بشکار اک ٹاکرو شروع ہو وے۔ سرکاری عہدیداراں غے مطابق یوہ ٹاکرو کیرن سیکٹر مانہ ہو وے جت

حفاظتی دستاں نے قبضہ لکیر تون دراندازی غی اک کوشش ناکام بناتاں واں دو دہشت گرد مار مکیا ہیں جت دوہاں پاساں تون گو لیباری جاری ہے۔ مزید تفصیل غی اجوں اڑیک ہے۔

Encounter Doda

ضلع ڈوڈہ غا زڈان علاقہ مانہہ ہالیہ دہشت گردانہ حملہ غے چلتیں علاقہ مانہہ حفاظتی دستاں نانہہ تمام تر اعلیٰ حفاظتی سازو سامان سنگ تعینات کر دتو ہے۔ جت ٹاکرا آلی جگہ ڈپٹی انسپکٹر جنرل پولیس رام بن ڈوڈہ رینج شری دھر پاتل نے اج دورو لایو تے ات گل کرتاں واں اس طرح کہیو۔۔۔ بانٹ۔۔

SC NEET

عدالت عظمیٰ مانہہ اج 2024 انڈر گریجوٹ نیٹ غا اختلاف بارے اک عرضی ور سنوائی شروع ہوئی۔ جس نانہہ 11 جو لائی نانہہ مرکز تے این ٹی اے غا رد عمل موصول نہ ہون ور ملتوی کر دتو گیو تھو۔ چیف جسٹس ڈی وائی چندر چوڈ، جسٹس جے بی پردیوالہ تے منوج مشرا ور مشتمل بنج تقریباً 40 عرضیاں بارے سنوائی کرے گی۔ جس مانہہ این ٹی اے غی یو جی نیٹ غا کیس نانہہ منتقل کرن بارے وی اک عرضی شامل ہے۔

CBI AIIMS Detained

سی بی آئی نے انڈر گریجوٹ نیٹ داخلہ امتحان غا پرچہ لیک معاملہ غا سلسلہ مانہہ اج ایمر پٹنہ غا چار طلباء نانہہ حراست مانہہ لیو ہے۔ ایمر پٹنہ غا ایکزکیٹو ڈائریکٹر ڈاکٹر جی کے پال نے کہیو ہے کہ جن طالب علماں نانہہ حراست مانہہ لیو گیو ہے وے ایم بی بی ایس کو رس غا دوجا تے تیجا سال مانہہ ہیں۔ انہاں نے کہیو کہ ایجنسی غا عہدیداراں نے ان طلباء غی تحویل تیں متعلق پیشگی معلومات دتی تھی تے ادارو تحقیقاتی ایجنسی غے نال پورو تعاون کر رہیو ہے۔ تحقیقاتی ایجنسی نے حراست مانہہ لیا گیا طلباء گا لیپ ٹاپ وی ضبط کر دتا ہیں تے ان گا کمران نانہہ بند کر دتو ہے۔ سی بی آئی ان طلباء تیں پوچھ تا چھ کر رہی ہے۔

Jasrotia Election

بھارتیہ جنتا پارٹی غا رہنما تے سابقہ وزیر راجیو جسروٹیہ نے کہیو ہے جے جمہوریت غی بحالی سنگ عام عوام نانہہ سرکار تون اپنی شکایات غو ازالو کرانو کا فی آسان وے۔ ان نے کہیو جے مرکزی سرکار جموں کشمیر مانہہ اسمبلی انتخابات کران بارے تیار ہے۔ ان نے لوکاں تون اپیل کی ہے جے وے پودا لان غی مہم ”ایک پیڑ ماں کے نام“ جہیڑی 20 جولائی تون شروع ہو رہی ہے مانہہ بدھ چڑھ غے حصول اس دوران مہارا نامہ نگار سنگ گل کرتاں واں ان نے اس طرح کہیو۔۔۔ بانٹ۔۔

Khelo India Kiriti

پیریس الیمپکس جسران قریب آریو ہے حکومت غی اہم شخصیات کھیلو انڈیا رائزننگ ٹیلنٹ اینڈنٹیفیکیشن پروگرام نانہہ نوجوانان غا امور تے کھیل، روزگار غا مرکزی وزیر ڈاکٹر مانسکھ مانڈویا غی قیادت مانہہ اک نوو فروغ حاصل وے گو۔ وے کل نوی دہلی مانہہ اس پہل غا دوجا مرحلہ غو افتتاح کریں گا۔ اس تیں پہلاں کیرتی غو پہلو مرحلو چندی گڑھ مانہہ اس سال 12 مارچ نانہہ شروع کیو گیو تھو۔ ڈاکٹر مانڈویا نے اس پروجیکٹ مانہہ زور دتو

بے جے اس غو مقصد تمام ریا ستاں مانہہ سال 25/2024 مانہہ 20 لکھ اسمنٹ حاصل کرنو بے۔ وزیر اعظم نریندر مو دی غا بڑا پیمانہ ور شرکت غے ذریعے کھیڈاں ناہہ مُک غا بر بچہ در لے جان غو وژن بے۔ کیرتی غا پہلا مرحلہ مانہہ 70 مراکز مانہہ 3 لکھ 62 ہزار 6 سو 83 رجیسٹریشن وچوں 28 ریاستاں تے مرکزی زیر انتظام علاقاں مانہہ 51 ہزار غے قریب تشخیص بنایا گیا ہیں۔

اس غے نال ہی خبراں غو یوہ بلیٹن ختم ہوؤ۔